

杭州府志卷一百二十七

人物一 武功一

漢

轅終古錢唐人元封元年以軍卒從樓船將軍楊僕擊東越東越使狗北將軍守武林敗樓船軍數校尉殺長史樓船軍卒終古斬狗北將軍閏四月癸卯以功封禦兒侯太初元年薨諡曰莊史記漢書

孫堅字文臺吳郡富春人少為縣吏年十七與父共載船至錢唐會海賊胡玉等從匏里上掠取賈人財物方于岸上分之堅謂父

曰此賊可操刀上岸以手東西指揮若分部人兵羅遮狀賊疑官兵至委財物散走堅追斬得一級以還由是顯聞府召署假尉

杭州府志 卷一百二十七 武功一

熹平元年會稽妖賊許昌起句章與其子詔扇動諸縣眾以萬數

堅以郡司馬募精勇千餘人與州郡合討破之除鹽漬丞數歲徙盱眙丞又徙下邳丞吏民親附中平元年黃巾賊張角起魏郡中

郎將朱儁表堅為佐軍司馬并力奮擊汝穎賊困迫走保宛城堅身當一面先入眾蟻附大破之拜別部司馬邊章韓遂作亂涼州

中郎將董卓拒討無功中平三年遣司空張溫西討溫表堅為參軍屯長安堅勸溫陳軍法斬卓溫不忍發舉章遂聞兵至黨眾離

散皆乞降軍還議者以軍未臨敵不斷功賞然聞堅數卓三罪勸溫斬之無不歎息拜堅議郎時長沙賊區星自稱將軍眾萬餘人

攻圍城邑乃以堅為長沙太守旬月間克破星等周朝郭石帥徒

眾起零桂應星堅越境尋討三郡肅然錄前後功封烏程侯靈帝

崩卓橫恣擅朝政諸州郡並興義兵討卓堅亦舉兵比至南陽眾數萬人太守張咨聞軍至晏然自若堅案軍法從事咨于軍門

斬之郡中震慄前到魯陽表堅行破虜將軍領豫州刺史治兵進討卓遣步騎數萬人逆堅見堅士眾甚整不敢攻城乃引還

堅移屯梁東為卓軍所攻與數十騎潰圍出復收兵合戰于陽人大破卓軍梟其都督華雄等或問堅于術術懷疑不運軍糧陽人

去魯陽百餘里堅夜馳見術畫地計校術踟躕即發糧堅乃還屯卓憚堅猛壯遣李傕等求和親堅誓不許進軍大谷距雒九十里

卓尋徙都入關焚雒邑堅至修諸陵平塞卓所發掘訖引軍還住杭州府志 卷一百二十七 武功一

魯陽初平三年術使堅擊劉表表遣黃祖逆于樊鄧之間堅擊破之追渡漢水遂圍襄陽單馬行峴山為祖軍士所射殺時年二十

七子四策權翊匡權稱尊號諡堅曰武烈皇帝三國吳志本傳

孫策字伯符堅長子堅與義兵策將母徙舒與周瑜善收合江淮間士大夫堅薨還葬曲阿乃渡江居江都徐州牧陶謙深忌策策

舅吳景時為丹陽太守策乃載母徙曲阿就景因緣召募得數百人興平元年從袁術術甚奇之以堅部曲還策太傅馬日磾在壽

春以禮辟策表拜懷義校尉術大將喬蕤張勳皆傾心敬焉策騎士有罪逃隱術營內廢策指使人就斬訖乃詣術謝由是軍中益

畏憚術道策攻廬江太守陸康拔之先是劉繇為揚州刺史州舊

治壽春術已據之繇乃渡江治曲阿時吳景尙在丹陽策從兄賁  
又爲丹陽都尉繇皆逐之景賁退舍歷陽繇遣樊能于麋陳橫屯  
江津張英屯當利口拒術術用故吏惠衢爲揚州刺史更以景爲  
督軍中郎將與賁共將兵擊英等連年不克策說術乞助景等平  
定江東術表策爲折衝校尉行殄寇將軍兵才千餘騎數十匹賁  
客願從者數百人比至歷陽衆五六千策母先自曲阿徙歷陽策  
又徙母阜陵渡江轉鬪所向皆破軍令整肅百姓懷之繇棄軍遁  
諸郡守皆棄城走策入曲阿遣將迎母及弟於阜陵旬日閒得見  
兵二萬餘人馬千餘匹威震江東吳人駭白虎等擁衆各萬餘人  
吳景欲先擊破虎等乃至會稽策曰虎等羣盜非有大志此易成

杭州府志

卷一百二十七 武功一

三

禽耳遂引兵渡江據會稽屠東冶攻破虎等盡更置長吏自領會  
稽太守復以吳景爲丹陽太守孫賁豫章太守賁弟輔廬陵太守  
朱治吳郡太守彭城張昭廣陵張紘秦松陳端等爲謀主時術僭  
號以書責而絕之曹操表策爲討逆將軍封吳侯未幾術死術長  
史楊宏大將張勳等將其衆欲就策爲廬江太守劉勳所虜策聞  
之僞與勳好盟勳攻取豫章上繇勳既行策輕軍襲拔廬江勳  
衆盡降勳獨與麾下數百人走歸曹操建安五年曹操與袁紹相  
拒于官渡策陰欲襲許昌迎漢帝密治兵部署諸將未發會單騎  
出爲故吳郡太守許貢客擊傷創甚至夜卒時年二十六權稱尊  
號追諡曰長沙桓王子紹封上虞侯弟翊字叔弼驍悍果烈有策

風舉孝廉建安八年以偏將軍領丹陽太守時年二十初權殺吳  
郡太守盛憲憲故孝廉嬖覽戴員亡匿山中翊皆禮致之覽爲大  
都督督兵員爲郡丞與翊左右邊鴻謀叛翊出入常持刀偶被酒  
徒手送客爲鴻所殺時建安九年也弟匡字季佐舉孝廉茂才未  
試用卒時年二十餘

三國志本傳

吳景孫破虜吳夫人弟本吳人徙錢唐隨堅征伐有功拜騎都尉  
袁術上景領丹陽太守討故太守周昕遂據其郡孫策與孫河呂  
範依景合衆共討涇縣山賊祖郎郎敗走會景爲劉繇所迫復北  
依術術以爲督軍中郎將與孫賁共討樊能于麋于橫江又擊罕  
融薛禮于秣陵時策被創牛渚降賊復反景攻討盡禽之從討劉

杭州府志

卷一百二十七 武功一

四

繇奔豫章策遣景賁到壽春報術術以景爲廣陵太守術僭號  
策絕不與通使人告景景即委郡東歸策以景爲丹陽太守漢遣  
議郎王誦銜命南行表景爲揚武將軍領郡如故建安八年卒子  
奮授兵爲將封新亭侯

三國志吳夫人傳

孫靜字幼臺堅季弟堅始舉事靜糾合鄉曲及宗族五六百人爲  
保障衆咸附策破劉繇定諸縣進攻會稽遣人詣靜靜將家屬與  
策會于錢唐時太守王朗拒策于固陵策數度水戰不能克靜說  
策詐令軍中促具器械數百口澄查瀆水昏暮然火譙朗便分軍  
夜投查瀆襲高遷屯朗大驚遣故丹陽太守周昕等帥兵前戰策  
破昕等斬之遂定會稽表拜靜爲奮武校尉欲授之重任靜戀墳

墓宗族求留鎮守策從之權統事就遷昭義中郎將終于家子皎  
字叔朗始拜護軍校尉領衆二千餘時曹操數出濡須皎每赴拒  
號爲精銳遷都護征虜將軍輕財能施與諸葛瑾厚委劉靖以得  
失李允以衆事吳碩張華以軍旅而傾心親待莫不自盡兵候獲  
魏邊將吏美女以進皎更其衣服送還之下令曰今所誅者曹氏  
其百姓何罪自今以往不得繫其老弱由是江淮間多歸附建安  
二十四年卒權追錄其功封子允爲丹陽侯

三國志本傳

吳

孫奐字季明靜子兄皎既卒代統其衆以揚武中郎將領江夏太  
守遵皎舊迹禮劉靖李允吳碩張梁閻舉等並納其善軍民稱之

杭州府志

卷一百二十七

武勳一

五

黃武五年權攻石陽奐以地主使所部將軍鮮于丹率五千人先  
斷淮道自帥吳碩張梁五千人爲軍前鋒降高城得三將大軍引  
還權過其軍見軍隊整齊歎曰初吾憂其遲鈍今治軍諸將少能  
及者吾無憂矣拜揚威將軍封沙羨侯吳碩張梁皆裨將賜爵關  
內侯奐愛樂儒生命部曲子弟就業後仕進朝廷者數十人年四  
十嘉禾三年卒子承嗣

三國志本傳

孫賁字伯陽父羗字聖壹堅同產兄也堅于長沙舉義兵賁從征  
伐堅薨賁攝帥後袁術徙壽春賁又依之術從兄紹用會稽周昂  
爲九江太守紹與術不協術遣賁攻破昂于陰陵術表賁領豫州  
刺史轉丹陽都尉行征虜將軍討平山越時策已平吳會二郡賁

與策征廬江太守劉勳江夏太守黃祖軍旋過定豫章上賁領太  
守後封都亭侯建安十三年使者劉隱奉詔拜賁爲征虜將軍領  
郡如故在官十一年卒子鄰嗣鄰字公達幼有令譽年九歲代賁  
領豫章進封都鄉侯在郡垂二十年討平叛賊功績修理召還武  
昌爲繞帳督還夏口沔中督威遠將軍所居任職赤烏十二年卒

子苗嗣

三國志本傳吳書咸淳志

孫韶字公禮伯父河字伯海本姓俞孫策愛之賜姓孫列之屬籍  
從策就吳景于丹陽募兵討賊屯京城爲嬖覽戴員所殺韶時年  
十七收河餘衆繕治京城起樓櫓修器備以禦敵權聞亂從椒邱  
還過定丹陽引軍還吳夜至京城下營試攻驚之兵皆乘城傳檄

杭州府志

卷一百二十七

武勳一

六

備警謹聲動地頗射外人權使曉諭乃止明日見韶甚器之卽拜  
承烈校尉統河部曲食曲阿丹徒二縣自置長史一如河舊後爲  
廣陵太守偏將軍遷揚威將軍封建德侯鎮北將軍善養士卒得  
其死力常以警疆場遠斥埃爲務先知動靜而爲之備故鮮有負  
敗青徐汝沛來歸淮南濱江屯候皆撤兵遠徙徐泗江淮之地不  
居者各數百里自權西征還都武昌韶不進見者十餘年權還建  
業乃得朝覲權問青徐諸屯要害遠近人馬衆寡魏將帥姓名盡  
具識之權歎悅加領幽州牧赤烏四年卒子越嗣

三國志本傳

孫桓字叔武河子博學強記權嘗稱爲宗室顏淵年二十五拜安  
東中郎將與陸遜共拒蜀軍衆甚盛彌山盈谷桓投刀與遜戮力

斬上兜道截其徑蜀主踰山越險僅乃得免忿恚歎曰吾昔初至京城桓尙小兒而今迫孤乃至此也以功拜建武將軍封丹徒

侯卒

三國志本傳

凌統字公績餘杭人破賊校尉操子年十五權以操死國事拜統別部司馬行破賊都尉使攝父兵後從擊山賊權破保屯先還餘麻屯萬人統與督張異等留攻圍之率勵士卒身當矢石所攻一面應時披壞諸將乘勝遂大破之後權復征江夏統爲前鋒與所厚健兒數十人共乘一船常去大兵數十里行入右江斬黃祖將張碩還以白權引軍兼道水陸並集時呂蒙敗其水軍而統先薄其城於是大獲權以統爲承烈都尉與周瑜等拒破曹操于烏林

杭州府志

卷一百二十七

武功一

七

遂攻曹仁遷爲校尉雖在軍旅親賢接士輕財重義有國士風又從破皖拜盪寇中郎將領沛相與呂蒙等西取三郡反自益陽從往合肥爲右都督時權撤軍前部已發魏將張遼等奄至津北權使追還前兵兵去已遠勢不相及統率親近三百人陷圍扶扞權出敵已毀橋屬者兩板權策馬驅馳統復還戰左右盡死身亦被創所殺數十人度權已免乃還橋敗路絕統被甲潛行權旣御船見之驚喜統痛親近無反者悲不自勝權引袂拭之謂曰公績亡者已矣卿在何患無人拜偏將軍倍給本兵統以山中人尙多壯悍可以威恩誘權令東占且討之命勅屬城凡統所求皆先給後聞得精兵萬餘人會病卒時年四十九權聞減膳流涕使張承作

銘誄二子烈封內養於宮愛待與諸子同賓客進見呼示之曰此吾虎子也追錄統功封烈亭侯後烈有罪免封復襲爵領兵

三國志本傳

全琮字子璜錢唐父柔漢靈帝時舉孝廉補尙書郎右丞董卓之亂棄官歸州辟別駕從事詔書就拜會稽東部都尉孫策到吳柔舉兵先附策表爲丹陽都尉孫權爲車騎將軍以柔爲長史徙桂陽太守柔嘗使琮齎米數千斛到吳有所市易琮至皆散用空船而還柔大怒琮頓首曰愚以所市非急而士大夫有倒懸之患故便賑贍不及啓報柔更奇之是時中州士人避亂而南依琮居者以百數琮傾家給濟與共有無遂顯名遠近爲奮威校尉將兵

杭州府志

卷一百二十七

武功一

八

數千討山越因募精卒萬餘屯牛渚稍遷偏將軍封陽華亭侯黃武元年魏以舟師大出洞口權使呂範督諸將拒之軍營相望敵數以輕船抄擊琮帶甲仗兵伺敵出江中擊破之梟其將軍尹廬遷綏南將軍進封錢唐侯四年假節領九江太守七年與陸遜擊曹休破之于石亭時丹陽吳會山民復寇賊攻沒屬縣權分三郡險地爲東安郡琮領太守明賞罰招誘降附得萬餘人召還牛渚罷東安郡琮還過錢唐修祭墳墓請會邑人平生知舊宗族六親施散千有餘萬黃龍元年遷衛將軍左護軍徐州牧尙公主嘉禾二年督步騎五萬征六安六安民皆散走諸將欲分兵捕之琮曰夫乘危徼倖舉不自全者非國家大體也今分兵捕民得失相半

縱有所獲猶不足以弱敵如或邂逅虧損非小與其獲罪琮甯以  
身受之不敢徵功以負國也赤烏九年遷右大司馬左軍師初琮  
為將甚勇決當敵難奮不顧身及作督帥養威持重每御事多任  
計策不營小利權將圖珠崖及夷州皆先問琮琮曰殊方異域隔  
絕障海水土氣毒自古有之兵入民出必生疾病轉相污染往者  
懼不能返所獲何可多致猥虧江岸之兵以冀萬一之利愚臣猶  
所不安權不聽軍行經歲士衆疾疫死者十有八九權深悔之十  
二年卒三國志本傳長子緒幼知名奉朝請出授兵稍遷揚武將軍  
牛渚督孫亮卽位遷鎮北將軍東關之役緒與丁奉建議引兵先  
出以破魏軍封一子亭侯年四十四卒吳書

杭州府志

卷一百二十七 武功一

九

晉

范明仁和之臨平人蘇峻反遣將張健等據吳城義興太守顧衆  
統兵討之前鋒姚休戰沒衆還守柴壁時賊黨方銳人咸勸衆過  
浙江衆以為非計不聽明亦謂衆曰此地險要可以制寇不可委  
也衆乃版明為參軍明率宗黨五百人合諸軍凡四千人復進討  
健健退於曲阿衆進住吳城竟得平峻杭人立廟祀明晉書顧衆傳海昌備志

宋

吳喜餘杭人按宋書臨安人本名喜公宋明帝滅為喜少知書涉獵史漢  
頗見古今為主圖令史文帝嘗求圖書喜開卷倒進之帝怒會太

子步兵校尉沈慶之征蠻啓文帝請喜自隨使命去來為孝武所  
知賞及卽位以喜為主書擢為諸王學官令左右尚方令河東太  
守殿中御史大明中黔歛二縣有亡命數千人攻破縣邑遣喜將  
數十人至二縣誘說羣賊卽日歸降明帝卽位四方反叛東兵尤  
急喜請得精兵三百致死力於東帝大悅卽假建武將軍簡羽林  
勇士配之議者以喜刀筆吏不當為將不可遣中書舍人巢尚之  
曰喜昔隨沈慶之累經軍旅性既勇決又習戰陣若能任之必有  
成績喜乃率竺超之杜敬真馬步東討百姓聞吳河東來卽望風  
降散所至克捷遷兵步校尉封竟陵縣侯遷輔國將軍尋陽太守  
平定荊州遷前軍將軍泰始四年改封東興縣侯除右軍將軍淮

杭州府志

卷一百二十七 武功一

十

陵太守兼太子左衛率五年轉驍騎將太守兼率如故魏寇豫州  
喜統諸軍出討大破魏軍於荆亭六年又率軍向豫州拒魏加都  
督豫州諸軍事明年還建業初喜東征白明帝得尋陽王子房及  
諸賊帥卽於東臬斬東土旣平喜見南賊方熾慮後翻覆受禍乃  
生送子房還都凡諸大主帥顧琛王曇生之徒皆被全活旣立功  
頗縱人剽虜上不悅後乞中散大夫及上有疾慮身後喜不能事  
幼主乃賜死時卒年四十五旣死發詔賻贈子徽民襲爵宋書南史本傳

陳

杜稜字雄盛錢唐人世為縣大姓頗涉書傳少落泊不為時知遂

游嶺南事梁廣州刺史蕭映映卒從陳武帝恆典書記命稜將領  
平蔡路養李遷任皆有功軍至豫章梁元帝承制授石州刺史上  
陌縣侯邑八百戶侯景平陳武帝鎮朱方以稜監義興琅邪二郡  
武帝謀誅王僧辯召與同行及僧辯平後武帝東征杜龕等留稜  
與侯安都居守徐嗣徽任約引齊師濟江攻臺城與安都隨方抗  
拒稜晝夜巡警撫綏士卒未嘗解帶賊平以功除右衛將軍丹陽  
尹永定元年進侍中中領軍二年武帝崩文帝在南院時內無嫡  
嗣外有強敵侯瑱侯安都徐度等並在軍中朝廷宿將惟稜在都  
獨典禁兵乃與蔡景歷等秘不發喪奉迎文帝即位遷領軍將軍  
天嘉元年封永城縣侯廢帝即位加特進光大元年解尹量置佐

杭州府志 卷一百二十七 武功一 十一

史給扶宣帝太建元年出為吳興太守二年徵為侍中尋加特進  
護軍將軍以公事免侍中護軍四年復為侍中右光祿大夫卒年  
七十贈開府儀同三司諡曰成配饗武帝廟廷子安世嗣 陳書南  
史本傳

城豐  
駱牙字旗門臨安人祖秘道梁安成王田曹參軍父裕郟陽嗣王  
中兵參軍事牙年十二宗人有善相者云此郎容貌非常必將遠  
致梁太清末陳文帝避地臨安牙母陵視帝儀表知非常人賓待  
甚厚及帝為吳興太守引牙為將帥從平杜龕張彪等每戰輒先  
鋒陷陣勇冠衆將以功授直閣將軍太平二年母憂去職文帝鎮  
會稽起為山陰永定三年除安東府中兵參軍出鎮冶城尋從文

帝拒王琳於南院文帝即位授假節威虜將軍員外散騎常侍封  
常安縣侯邑五百戶尋為臨安令遷越州刺史天嘉三年以平周  
迪之功遷冠軍將軍臨川內史太建三年授安遠將軍桂陽太守  
八年還朝遷散騎常侍入直殿省十年授豐州刺史至德二年卒  
時年五十七子義嗣 陳書本傳  
咸通志

按南史駱牙作駱文牙母陵作母陳常安縣侯作臨安縣侯

隋 陸知命字仲通富春人父敖陳散騎常侍知命性好學通識大體  
以貞介自持釋褐陳始興王行參軍陳滅歸家會高智慧等作亂  
於江左晉王廣鎮江都以其三吳之望召令諷諭反者知命說下

杭州府志 卷一百二十七 武功一 十二

十七城得其渠帥陳正緒蕭思行等三百餘人以功拜儀同三司  
賜田宅復用其弟恪為汧陽令知命以恪非百里才上表陳讓許  
之時見天下一統勸高祖都洛陽因上太平頌以諷數年不調詣  
朝堂上表請使高麗歲餘授普甯鎮將人或言其正直者由是待  
詔御史臺煬帝嗣位拜治書侍御史侃然正色為百僚所憚帝甚  
敬之時齊王暕頗驕縱暱近小人知命奏劾之暕竟得罪百僚震  
慄遷東之役為東曉道受降使者卒於師年六十七贈御史大夫

隋書  
本傳

唐 杜稜字騰雲新城人父仲明水部員外郎唐末盜起乃糾集義兵

以扞鄉邑乾符開杭州募諸縣鄉兵各千人棧爲東安都將後更號武安營八都董昌爲長錢鏐副焉鏐功業寔盛光啓二年僖宗拜鏐杭州刺史棧謂諸子曰成大事者必此人也遂傾心事鏐潤州牙將劉浩逐其帥周寶寶奔常州浩推薛朗爲帥鏐遣棧與成及阮結討之敗其將李君睢丁重德趙君度按常州奉寶歸杭天子拜棧常州刺史棧遂屬其兵於諸子建思治內建徽禦外建孚經營其間皆以雄武稱大順二年鏐以楊行密數侵邊境命棧築東安城棧相險易度資用因山爲城環城以池越十月而訖事昭宗以鏐爲鎮海軍節度使棧爲副使乾甯二年鏐討董昌昌乞師於行密行密使田頌安仁義率萬衆來攻東安棧嬰城自守城中

杭州府志

卷一百二十七 武功一 十三

乏水穿井百尺不得泉棧禱之泉立至淮人樓櫓翔空矢石交迸棧隨機拒敵斃淮兵於城下者千數濠塹爲赤其黨潰散於是紫溪保城建甯靜江四鎮皆聚保東安民懷其恩目其井曰杜公井明年鏐誅董昌天子改威勝軍曰鎮東拜鏐鎮海鎮東節度使進棧兩浙都指揮使行軍司馬許東安建棧生祠又明年安仁義攻婺鏐遣棧救之仁義移兵攻睦亦不克棧後爲潤州刺史卒初孫儒爲行密所殺其士卒多奔浙西鏐愛其驍悍以隸中軍號武勇都棧疾密疏於鏐曰狼子野心是乃狼也棧觀武勇將士終非所畜願以土人代之鏐不聽及徐綰等叛思其先見使祭之後以子

建徽貴贈太師 咸通志十 國春秋

梁

錢鏐字具美臨安人幼與羣兒戲大木下坐大石指麾隊伍爲號令頗有法及壯無賴以販鹽爲盜縣錄事鍾起有子數人與鏐飲博起常禁之豫章術者望牛斗閒有王氣之臨安見鏐於起家曰眞貴人也起始縱諸子與鏐遊時貸其窮乏鏐善射與槩稍通圖緯諸書乾符二年從石鑑鎮將董昌爲偏將軍討王郢破之時黃巢衆數千掠浙東至臨安鏐出奇兵以二十人伏山谷射殺巢先鋒巢兵亂斃卒蹂之斬首數百級乃引兵趨屯地名八百里告道傍媼曰後有問者告曰臨安屯兵八百里矣巢衆至問媼話皆曰嚮十餘卒不可敵况八百里乎急引兵退淮帥高駢聞巢不敢

杭州府志

卷一百二十七 武功一 十四

犯臨安壯之表昌杭州刺史昌團諸縣兵爲八都以鏐爲都指揮使中和二年越州觀察使劉漢宏與昌有隙遣弟漢宥與辛約屯兵西陵鏐率八都兵渡江大破之漢宏復遣將黃珪何肅屯諸暨蕭山鏐皆擊破之殺何肅辛約四年漢宏遣將朱褒韓公玖施堅實等以舟兵屯望海鏐出平水夜破褒等於曹娥埭進屯豐山堅實等降遂攻破越州漢宏走台州刺史執送於鏐斬之乃奏昌代漢宏而自居杭州光啓三年拜鏐左衛大將軍杭州刺史時淮南大亂六合鎮將約攻取蘇州潤州牙將劉浩逐其帥周寶寶奔常州浩推薛朗爲帥鏐遣都將取寶遂活擒殺朗龍紀元年破徐約約走入海追殺之築安聚營於臨安景福元年升杭州爲武勝軍

拜鏐本軍防禦使時楊行密據淮南鏐亦取蘇常唐升越州為威  
勝軍以昌為節度使封隴西郡王二年升杭州為武威軍拜鏐都  
團練使蘇杭等處觀察處置使封彭城郡侯築羅城七十里拜鎮  
海軍節度使浙西觀察使潤州刺史乾甯二年昌反鏐以狀聞封  
彭城郡王浙江東道招討使昌遣將陳郁鍾福屯香巖寺李蕙崔  
溫屯石候鏐命顧全武王球攻昌戮蕙溫等三年全武執昌歸杭  
州行至西小江昌投水死唐改威勝軍為鎮東軍拜鏐鎮海鎮東  
等軍節度使加檢校太尉中書令賜鐵券鏐如越州受命還治錢  
唐號越州為東府光化元年移鎮海軍於杭州加檢校太師改其  
鄉曰廣義里曰勳貴營曰衣錦婺州刺史王壇叛附淮南楊行密  
杭州府志 卷一百二十七 武功一 十五

祠於衣錦軍二年梁鄧王友珪立册尊鏐尚父貞明三年加天下  
兵馬都元帥開府置官屬唐莊宗入洛賜鏐玉册金印鏐因以鎮  
海等軍節度使授其子元瓘而自稱吳越國王長興三年三月薨  
年八十一諡武肅 五代史 咸通  
志十國春秋

吳越

錢元瓘字明寶鏐第七子初名傳瓘少為質於田頔頔叛吳楊行  
密會越兵攻之頔戰死元瓘得歸天祐中處州刺史盧約弟信寇  
永嘉鏐命元瓘伐之信列巨舟於清澳海門以邀師元瓘曰賊銳  
卒盡此弗與戰當由他道出不意襲賊壘必成禽於是自安固江  
登陸襲斬信乾化三年吳李濤帥眾二萬出千秋嶺攻衣錦軍鏐  
杭州府志 卷一百二十七 武功一 十六

以元瓘為北面應援都指揮使救之元瓘於險狹伐木斷後擊禽  
濤歸吳復遣花皮將兵會廣德鎮將過信屯廣德將復寇衣錦軍  
元瓘就攻之拔廣德獲虔信歸貞明五年鏐大舉伐吳以元瓘為  
諸軍都指揮使帥戰艦五百艘自東洲進每船皆載灰豆戰於狼  
山江順風揚灰吳人不能開目及船舷相接散豆於吳船豆為戰  
血所漬吳人踐之皆仆因縱火焚吳船吳兵大敗鏐病召諸將曰  
吾子皆愚懦不足任後事吾死公等自擇之諸將皆曰元瓘從王  
征伐最有功諸子莫及請立之鏐乃召元瓘曰諸將許爾矣善守  
之鏐卒襲封吳越國王善撫將士好儒學喜為詩使國相沈松置  
擇能院選吳中文士錄用之卒年五十五諡文穆 五代史十  
國春秋

錢宏佐字元祐元瓘第六子卽位時年十三諸將皆少佐佐初優容之諸將稍不法佐乃黜其大將章德安於明州李文慶於陸州殺內都監杜昭達統軍使關璠由是國中皆畏恐王延羲延政兄弟相攻卓儼明朱文進李仁達等自相篡殺連兵不解者數年仁達附於李景已而又叛景兵攻之開運三年仁達遣將徐仁宴等奉表稱臣乞師佐召諸將計事諸將皆不欲行惟水邱昭券以爲當救佐奮然曰吾爲元帥曾不能舉兵耶諸將皆吾家素畜養獨不肯以身先我乎有異議者斬乃命昭券專掌用兵程昭悅掌應援餽運而以軍謀委丞相元德昭遣統軍使張筠趙承泰將兵三萬水陸赴之兵至福州自留浦南潛入州境南唐兵進據東武門

杭州府志

卷一百二十七 武功一 十七

禦之不利四年三月佐遣將余安自海道救福州兵至白蝦浦海岸泥淖方布竹簣以行南唐兵聚射之資不得施旣而縱兵登岸遂大呼奮擊大破南唐兵獲其將楊匡業蔡遇等器械數十萬遂入福州李仁達舉所部歸附五月凱旋饗將帥於光册堂賞賚有差六月薨年二十諡忠獻

錢塘縣志 十國春秋

水中進思懼會歲除畫工獻鍾馗擊鬼圖侬題詩其上進思見之知侬將殺已與諸溫斟滔等謀亂內牙指揮使何承訓希旨請逐進思侬謀於水邱昭券以進思黨盛難制猶豫未決承訓懼事洩反以謀告進思時王府夜宴將吏進思遂統內牙親兵戎服入見侬叱之不退猝愕入義和院進思鎖其門矯侬命告中外曰驟得風疾傳位於弟因迎倣立之遷侬於越宋開寶中卒年四十四諡忠遜

五代史十國春秋

杭州府志

卷一百二十七 武功一 十八

未幾進思遣方安等圖侬溫悉斃之於庭周廣順中徙侬東府倣命官物充其取給爲置園亭恣其登賞竟以壽終倣旣立漢授東南面兵馬都元帥周授天下兵馬都元帥皆襲封吳越國王賜玉册金印世宗征淮南令倣以所部分路進討倣遣偏將吳程圍毘陵陷闕城禽刺史趙仁澤路彥銖圍宣城會李景上表求割地內附詔倣班師宋建隆元年授倣天下兵馬大元帥倣舅吳延福有異圖左右勸倣誅之倣嗚咽流涕但黜延福於外終全母族宋太祖受命倣貢奉有加乾德元年遣子惟濬入貢開寶五年遣幕吏黃夷簡入貢太祖謂之曰歸語元帥當訓練甲兵江南倔強不朝我將討之元帥當助我無惑人言七年冬討江南以倣爲昇州東

而招撫使令丁德裕以禁兵千人為前鋒護其軍俶起兵相沈子  
虎諫不聽罷其政事李煜貽書曰今日無我明日豈有君一旦易  
地酬勳王亦大梁一布衣耳俶以書上加守太師八年俶率兵拔  
常州又遣大將沈承禮等率兵從王師平潤州詔俶歸國江南平  
俶入朝太祖待之甚厚自晉王宰相及中外臣工上章請留俶太  
祖曰俶委質來朝若利其土宇而留之何以示信於天下令俶歸  
國饒於講武殿謂之曰南北風土異宜漸及炎暑卿可早發俶涕  
泣言願三歲一朝太祖曰川陸迂遠當俟詔旨將發賜物不可勝  
計及歸國以黃絹封文字一束付之曰俟到國即開之至國啓封  
皆宋臣留俶章也俶上表謝太平興國三年復入朝太宗宴之令

杭州府志 卷一百二十七 武功一 十九

劉鋹李煜與坐會閩帥陳洪進納土俶請解罷吳越國王及天下  
兵馬大元帥職名以所管十三州獻歸有司太宗改封俶淮海國  
王令兩浙發俶總麻以上親及管內官吏悉歸朝又命俶從征太  
原還京加食邑二萬戶實封二千戶八年表請解元帥職名雍熙  
元年改封漢南國王四年出為武勝軍節度使改封南陽俶四上  
表讓國王改封許王端拱元年徙封鄧王會朝廷遣使賜生辰器  
幣與使者宴飲是夕暴卒年六十追封秦國王諡忠懿 五代史東  
都事略吳  
成及字宏濟錢唐人咸通中捍山賊逐齊寇聲名遂振乾符中代  
聞人字掌八都兵以富春鎮稱靖江都將劉漢宏亂與錢鏐同討

平之北關鎮將劉孟安謀亂即席奮劍將犯鏐及舉胡林制之偏  
將盛造因執孟安就戮以功奏遷散騎常侍復為靖江鎮將光啓  
中命征潤州薛朗常州刺史丁從實具牛酒犒師遣美女於諸將  
及取而斬之餘悉不納遂圍常州克之尋平潤州奏授兵部尚書  
充常州防禦使龍紀二年潤州制置使阮結卒命及代之累遷檢  
校司空乾甯三年改蘇州刺史淮人圍之常熟鎮將陸郢等以城  
應寇城陷及以禮見楊行密閱及私家所蓄惟藥物圖書而已由  
是重之與歸淮南辟為行軍司馬及泣曰及以百口託於錢公不  
幸城陷至此既不能死敢求富貴耶引佩刀欲自剄行密遽起持  
之館於府舍光化元年具禮遣歸累授鎮海節度副使奏授司徒

杭州府志 卷一百二十七 武功一 二十

至太傅天復中鏐游衣錦軍使武勇都軍士治溝洫軍中多怨言  
及請罷役不聽俄而亂作及護鏐回至北郭微服將入城及乃代  
乘鏐車行與賊鬪鏐遂得入鏐性嚴急每有檢發必亟加斬決或  
及至雖盛怒必為之釋其寵遇如此累授保大彰義等軍節度使  
開府儀同三司檢校太師兼侍中卒年六十七子琇尚鏐女每事  
征伐琇與有功 吳越備史姑蘇  
志十國春秋  
阮結字翰文錢唐人唐末杭州建八都兵結與為副出入錢鏐左  
右號親校中和二年從討劉漢宏功多授散騎常侍光啓三年征  
常州又平潤州披羽先登克其城捷上遷戶部尚書四年充潤州  
制置使卒年四十六 十國  
春秋

吳公約字處仁餘杭人黃巢之亂杭州八都既建派而分爲十三都公約其一也初以勇膽智略爲郡邑推洎朱直起兵應募西討以功授西柱領退使從童昌禦集於西鄙加御史中丞奏置都額改硃石爲訓兵之所摧鋒破銳日有聲稱鏐破越州公約驍果先登兵罷拜千牛衛將軍肅政臺長劉浩平錄功擢散騎常侍明年徐約陷蘇州斷朱方諸軍糧道鏐委公約專征授北面諸軍行營招討使是秋統師自金陵反旆南討次年春克蘇州竟讓軍功以本都歸鏐益嘉其忠節兼授義和鎮遏使兼本軍水陸都游弋使冬准人侵擾合諸軍捍禦疆域屢挫敵鋒遷工部尙書改刑戶二部遷左執法公約澄嗜欲薄進取所得軍實必分散士卒爲將三

杭州府志

卷一百二十七 武功一二十一

十年家無長物出則督勦將士入則訓誨子弟稱一時賢將云乾甯四年卒

咸通志十  
國春秋

馬綽餘杭人性醇直恆以忠節自許初與錢鏐俱事董昌昌使鏐閱部伍亡其名籍鏐因歷唱之存亡健悍皆無遺失綽密謂鏐曰老子忌猜駭公強記當必相圖乃以白紙數番授鏐若代軍籍者鏐由是深德之因以其妹歸綽尋隨董昌於越州昌僭號綽棄家先奔鏐乃授諸城都指揮使徐縉之亂綽有發懸門功鏐命元璣納綽女是爲恭穆夫人綽累職鎮東軍節度副使兩浙行軍司馬睦州刺史雄武軍節度使同平章事卒年七十一

吳越備史  
十國春秋

鮑君福字慶臣錢唐人性純厚有膽氣從軍以驍果稱初從劉漢

宏繼歸錢鏐使領一軍號向盟都累從征伐有功能馬上輪雙劍入陣望之若飛電尋爲衢州應援指揮使屬刺史陳章叛准人入其境乃以淮帥令辟爲郡職君福不納鏐慮其被害密賜絹書使姑從之君福終拒焉同守者醉奔歸尋授衢州刺史准將周本守信州屢侵其境君福每率數騎往逐之本卽遁梁貞明四年君福從錢球攻信州斬准將呂師造禽馮敏等周本僅以身免任衢軍節度使同平章事兼侍中賜田錢唐稱鮑家田減兩浙貢賦焚其故籍浙人德之立碑於六和塔下晉天福五年卒年七十七贈開府儀同三司諡忠壯子修讓寡言語治軍嚴整有法度累官上

杭州府志

卷一百二十七 武功一二十二

直指揮使升衢州刺史周顯德三年從吳程攻常州以應世宗師宋建隆元年知福州彰武軍事後爲上直諸軍都鈐轄使同參丞相府事卒

咸通志十  
國春秋

按吳越備史十國春秋君福餘姚人乾隆志據萬曆府志錢塘縣志作錢唐人蓋賜田後卽徙居錢塘也今從之塘徽字延光棧季子少強勇不與諸昆類嘗於山莊構小茆齋私署軍州押衙紀於棟棧加督責對曰大丈夫何止爲一軍事押衙耶棧歸鏐建徽以父命盡心於鏐棧爲常州刺史建徽代爲武安都將棧爲准人所逼建徽馳赴城已拔棧被虜乃率所部還新城及棧自淮南歸見軍中嚴整無改甚稱之累從征伐皆單衣入

陣賊衆無不拔靡軍中號爲虎子棧將沒散家財於諸子惟授建徽一笏曰此吾歷任所秉獨汝能傳之徐縮叛建徽自新城馳赴因命守禦賊已圍攻素木將焚北門建徽悉鉤取其木先焚之木不得聚賊計沮或勸鏐渡江保會稽建徽按劍叱之天復三年陸州刺史陳詢叛鏐以建徽與詢姻疑之使馬綽伺其意建徽曰陳氏背義微既姻姪固應見疑然舉書諭之而不見聽皇天后土實鑒臨之俄陸吏降持建徽所貽詢書至皆勸戒之詞鏐嘉歎兄建恩嘗謂其畜兵仗爲異圖鏐使索之建徽方食不願聽使者入臥內無所得鏐感悟益加殊待每會必指之曰此杜丞相今日忝有一方多其力也子孫昆弟朱紫盈門而性儉素導從不過數人

杭州府志

卷一百二十七

武功一二十三

財物輒散鄉里親族年高尙能騎射嘗從元佐擊毬於廣場輿酣有宿中箭鏐自臂中飛出人皆壯之歷官至涇源昭化等軍節度使檢校太師左丞相封鄖國公漢乾祐三年卒年八十八贈太師諡威烈咸清志吳越備

吳徽忠於潛人從錢鏐以八都兵討劉漢宏有功及鏐出兵助淮人討田頴徽忠每先登陷陣奏捷而歸鏐爲吳越國王敬忠以積功授正國功臣浙西營田副使累加太師兄順以功授鎮海軍保城都指揮使檢校司空弟訢爲太傅十國曹圭仁和人父信由歙徙杭唐末兵興信爲臨平鎮將因保嘉禾東界遂家臨平圭少有膽氣乾甯中仕吳越爲嘉興都將淮人圍

嘉禾圭與其族人師魯守之淮人望氣者曰此雖孤城中有貴人不可圖也圭每與師魯登城樓張樂縱飲矢石交至視之晏如嘉禾平圭以功授蘇州刺史開平中淮人復圍姑蘇屬正月望夜師魯第盛陳燒燈之宴賊俘執者咸縱觀之圭以浙西營田副使檢校太尉終於蘇州師魯短小多智時號曹晏嬰圭子仲達生於臨平室有紫光少圭嘗節其飲食雖嚴冬尙未挾纊品膳與僕隸等又日令運甓圭在姑蘇爲仲達求婚於睦州陳詢及將親迎道出杭州錢鏐見而奇之遂以妹儷焉累授台處二州刺史元瓘襲封命仲達權知政事尋拜丞相與沈崧皮光業同秉國鈞及宏佐嗣位仲達復攝行軍府事時大賚軍軍中言賜予不均輒大譟舉仗

杭州府志

卷一百二十七

武功一二十四

不受賜諸將不能制仲達親出階諭之辭旨曉暢皆釋仗而拜卒年六十二諡安成十國春秋

宋錢惟濬字禹川俶子才數歲表授節度副使檢校太保宋初領建武軍節度加大傅至太尉後授鎮東等軍節度大軍征金陵惟濬從下常州以功加同平章事太宗卽位加兼侍中俶獻地徙淮南節度加檢校太師從平太原征幽薊又從幸大名雍熙中歷鎮安州端拱初封蕭國公加兼中書令道化初卒年三十七追封邵王諡文僖宋史新編十國春秋錢惟治字和世宏俶子俶養爲己子累遷檢校太保台州團練乾

德中制授甯遠軍節度檢校太傅與惟濬節旄同日至國人榮之  
王師討江南惟治從倣率兵下常州策勳改奉國軍節度使太宗  
嗣位進檢校太尉倣既納土惟治歸朝改領鎮國軍節度使雍熙  
三年征幽州命惟治知真定軍府事兼兵馬都監部署訓兵饗士  
勤政務累上表請罷節鎮優詔不許景德中轉右武衛上將軍累  
加左騎衛上將軍左神武統軍卒年六十六贈太師追封彭城郡  
王惟治好學工草隸家聚法帖圖書萬餘卷宋史新編  
十國春秋  
孫承祐錢唐人其姊爲錢俶妃因擢處要職國事無不領轄時稱  
爲孫總轄累遷浙江東道鹽鐵副使鎮海鎮東兩軍節度副使知  
靜海軍節度事開寶初隨錢惟濬入貢詔授檢校太保鎮海鎮東

杭州府志

卷一百一十七

武功一二十五

等軍行營司馬七年復遣入貢令諭旨於倣將有事江南及王師  
渡江命丁德裕詔倣以所部會攻常潤承祐從倣克常州功居多  
太平興國中倣獻地徙承祐奉甯軍節度使五年從幸大名雍熙  
二年改知滑州數月卒贈太子太師年五十宋史吳  
越世家  
李用和字審禮杭人章懿皇太后弟祖廷嗣仕錢氏爲金華主簿  
父仁德終左班殿直用和少窮困居京師鑿紙錢爲業章獻太后  
使劉美張懷德訪章懿太后親屬於民間得用和補三班奉職遷  
右侍禁時軍賊張海恣殘西京四十餘郡江淮州縣震驚使臣悉  
敗衄朝廷特立賞格召募如獲海依傅永吉例優獎用和應募往  
不踰數旬殺獲海等四人餘賊潰散授用和東頭供奉官閣門祗

候包拯乞依賞格酬獎謂張海之患甚於王倫用和之功優於永  
吉而永吉左班殿直閣門祗候凡超八資授諸路副使宣事舍人  
今用和止超四資功同賞異何以激勸將來且有明文豈宜降等  
况西鄙未定盜賊間起方當責效之際不可失信於人權提點在  
京倉草場考城縣兵馬都監章懿崩詔赴喪既葬遷禮賓副使領  
八作司遷禮賓使同領皇城司遷崇儀使賀州刺史太后改葬於  
永安領捧日天武兵護梓宮明年春又詔乘傳行太后陵還授甯  
州刺史遷澤州團練慶州防禦鄜州觀察使既而擢殿前都虞候  
鄜延路馬步軍副都總管未行拜永清軍節度觀察留後改定州  
路舊制刺史以上所賜公使錢得私入而用和悉用爲軍費歷侍

杭州府志

卷一百一十七

武功一二十六

衛親軍步軍馬軍副指揮使拜建武軍節度使殿前副都指揮使  
以老乞罷軍職拜宣徽北院使改彰信軍節度使同中書門下平  
章事景靈宮使初未有居第詔寓館芳林園用和固辭又假以惠  
甯坊官第以疾告仁宗臨問賜銀節肩輿進兼侍中疾革帝入見  
臥內擢其子珣爲閣門使賜所居第并日給官舍餼錢五千卒贈  
太師中書令隴西郡王諡恭僖帝撰神道碑書曰親賢之碑初仁  
宗以太后不逮養故外家褒寵特厚用和列位將相能小心靜默  
推遠權勢論者以此稱之宋史后妃傳外戚  
傳歷代名臣奏議  
沈晦字元用錢唐人宣和六年進士第一除校書郎遷著作佐郎  
金人攻汴從肅王出質韓里雅布軍還爲給事中除集賢殿修撰

知信州歷知建康府紹興四年知鎮江府兩浙西路安撫使過行  
在面對言藩帥之兵可用今沿江千餘里若令鎮江建康太平池  
鄂五郡各有兵一二萬以本郡財賦易官田給之敵至五郡以舟  
師守江步兵守隘彼難自渡假使能渡五郡合擊敵雖善戰不能  
一日破諸城也若圍五郡則兵分勢弱或以偏師綴我大軍南侵  
則五郡尾而邀之敵安敢遠去此制稍定三年後移江北糧餉器  
械悉以自隨又自乞分兵二千及召募敢戰士三千參用昭義步  
兵暮年後京口便成強藩時方以韓世忠屯兵鎮江不果用劉麟  
入寇世忠拒於揚州晦乞促張俊兵為援趙鼎稱晦議論激昂帝  
曰晦誠可嘉然言壯膽怯更觀臨事能副所言否晦又不為世忠

杭州府志

卷一百二十七 武功一二十七

所樂尋提舉臨安洞霄宮起為廣西經略兼知靜江府先是南州  
蠻酋莫公晟歸朝用為本州鈐轄羈縻之後遁去秀結諸峒蠻歲  
出為患晦選老將羅統戍邊招誘諸酋諭以威信皆詣府請降犒  
遺之結誓而去自是公晟孤立不敢犯邊晦在郡歲買馬三千匹  
繼者皆不能及進徽猷閣直學士召赴行在除知衢州改潭州提

舉太平興國宮卒

咸清志兩浙名賢錄

俞灝字商卿世居杭紹熙四年進士任淮東宣撫佐畢再遇救山  
陽灝料金必窺采石請回軍石梁河以遏其鋒金擣虛不入而遁  
再遇知揚州盪平江湖多灝計畫再遇欲誅脅從者灝救活甚眾  
開禧議開邊政府密引灝畫計灝言輕脫寡謀之人不可信趙良

嗣張覺往轍可鑑歷乘旄節皆有聲寶慶二年致仕築室九里松  
買舟西湖以詩詞自適

咸清志

趙善湘字清臣漢安懿王五世孫父不陋聞明州多名儒徙居焉  
善湘居餘杭慶元二年舉進士調金壇丞五年知餘姚縣開禧元  
年添差通判婺州嘉定元年以招茶寇功提轄文思院歷淮西提  
點刑獄歷知常州湖州和州進直寶文閣以平固始寇功賜金帶  
進直龍圖閣知鎮江府拜大理少卿進右文殿修撰封祥符縣男  
進封子紹定元年以扞防江軍甯淮軍及平楚州畔寇劉福慶等  
功進龍圖閣待制三年進煥章閣直學士進封伯李全犯淮東進  
煥文閣學士江淮制置使乃命專討許便宜從事進封侯及戮全

杭州府志

卷一百二十七 武功一二十八

進兵部尚書以平閩寇功轉江淮安撫制置使復泰州淮安鹽城  
淮陰四城功進端明殿學士復盱眙泗壽二州進資政殿學士九  
疏乞歸皆不許請愈力進大學士提舉洞霄宮封天水郡公禧祐  
二年帝手詔求所解春秋進觀文殿學士致仕卒贈少師

宋史本傳

杭州府志卷一百二十七終